

**Soraarnerussutisiaqalernissamut aaqqissuussinermut peqataasussaaitaaneq pillugu
Inatsisartut inatsisaata allanngortinneqarnera pillugu Inatsisartut inatsisaat**

(Aningaasaqarnermut Naalakkersuisoq)

Appassaaneerera

Una siunnersuut aaqqiissutissatut siunnersuutaangilaq, taasissutigineqartussaq. Siunnersuutaagani, kisiannili kinguartitsinerinnaavoq ajornartorsiutillu sivitsorsarneqarniaannarpoq – aammalu ajoraluartumik iluamik aaqqiissuteqartoqarnani saqqummiussineruvoq. Tamatuma saniatigut piviusunik aaqqiissuteqartoqanngilaq, kisiannili kinguartitsineroqqiinnarpoq.

Siunnersuut saqqummiunneqartoq piviusumik aaqqiissuteqanngilaq. Naleqqami isumaqarpugut tamanna suli kukkusumik kinguartitsinerusoq. Taamaattumik soorlu aalisagaq seernartumut immiunneqarsimasoq tippannaveersaannarlugu naatsorsuutigalugu, kisiannili assaah tipi - ima tipitigaaq ajornartorsiut politikikkut toqqortorniarsarineqarpoq. Taamaattumik politikikkut iliuusaasoq “assaah tipeqaaq” tipingaarmat toqqortorniagaq seernangaarmat maani inimi allaalluunniit naamasinnaangajaparput, tassami siornatigut neriorsuutigineqartut qimanneqarnerannik tunngaveqarpoq taamatut toqqammavilersornitsinnut.

2018-imi pinngitsaaliilluni utoqqalinersiaqalernissamut aaqqissuussinerup aallartinneqarneraniilli Naleraq-miit kukkunerpassuit takusinnaasagut aaqqinniarlugit sulissutigaarput.

Utoqqalinersiaqarnissamut ileqqaarnissamut akerliunngilagut imaluunniit tamarmik pitsaasumik utoqqalinersiaqarnissaat akerlerinngilarput. Kisianni pinngitsaaliineq akerlerilluinnarparput. Aamma inuit aningaasarsiaminnit 9 %-imut tikillugu



ilanngartorneqarnissaat akuerinngilarput, pisortat namminneq annertuumik peqataanngitsut. Tamanna isumaqarpoq innuttaasut nammineq akileraareerlutik aningaasarsiaminnit annertunerpaartaat nammineq akilertaraat. Tamanna minnerpaamik aningaasarsialinnut, namminersortunut, piniartunut aammalu aalisartunut immikkut artornarpoq.

Aaqqissuussineq aallartimmatilli ersarippoq kukkuneqarmat, aammalu atorunnaarsinneqarnissaa anguniarlugu sulissutigaarput. Kisianni suli amerlanerussuteqanngilaq.

Pissakinnerit illersorniarlugit sunniutaasinnaasut annikillisarniarlugit arlaleriarluta isumaqatigiissuteqartarsimavugut. Siullermik killigititaq 100.000 kr.-usoq 125.000 kr.-mut qaffanneqarpoq Inuit Ataqtigiit isumaqatigiissuteqarfigalugit, kingornalu 175.000 kr.-mut qaffanneqarpoq, taamaalilluni isertitakitsut 10 %-imik ilanngaaffigineqannginniassammata.

Taanna aalajangiupparput, inuimmi aningaasatigut ajornartorsioreersut suli ajorsarnerulersinneqassanngimmata. 10 %-imik ilanngaaneq, aammalu akit qaffakkiartornerat ilanngullugit, naapertuutinnngilluinnarpoq.

Uagut oqarlutaannaqanngilagut – sulissuteqarluta pissakinnerit illersorpagut.

Kisianni Naalackersuisut, maanna Naalackersuisut siulittaasuat siuttoralugu, aaqqissuussineq atorunnaarsinneqarnissaanik aalajangiinngillat, qinersinermi neriorsuutigineqarsimagaluartoq. Qinersisoqannginnerani allatut oqartoqartarpoq – kisianni qinersinerup kingorna allanngortoqartarpoq.

Demokraatit qinersinermi aaqqissuussineq atorunnaarsinniarlugu neriorsuutigisimavaat, kisianni maanna neriorsuutertik qimappaat aammalu ajornartorsiut ukiut marluk kinguartillugu ekspertinut ingerlateqqillugu.

Politikki sunaana taamaattoq? Politikkikkut neriorsuutit pissaaneqaleraanni puiorneqaannartariaqarpat?

Ajornartorsiut aaqqinneqanngilaq - kinguartinneqaannarlunilu immikkut ilisimasalinnut tunniunneqarluni. Kisianni taakku immikkut ilisimasallit kikkuuppat? Aamma Naalackersuisut sooq nammineq akisussaaffik tigusinnaanngilaat?

Maluginiagassaavoq, qinersinermi neriorsuutigineqartoq maanna “misissuinnermut” allanngortinneqarmat aalajangiinissamut taarsiullugu. Tamanna akisussaaffimmik tigusinnginneruvoq.

Taamaattorli ajornartorsiut annertuvoq, pissutigalugu inunnik aningaasarsiaqarpiannngitsunik eqquimmat:

- Aalisartut,
- piniartut,
- namminersortut,
- suliffeqarfippassuit mikisut,
- kiisalu ilinniartut

Taakku tamarmik 6-9 %-imik aningaasarsiaminnit ilanngaaffigineqartarput, nammineq aalajangiisinnaatitaanatik aaqqissuussinnermut peqataatinneqarlutik.

Akilerartarnek aammalu soraarnerussutisiaqalernermut ilanngaaneq ataatsimoortillugit naatsorsoraanni, innuttaasut ilaat aningaasarsiaminnit affaata tungaanut ilanngaaffigineqartarput. Tamanna inuiaqatigiinni aningaasatigut artukkiisutut isigisariaqarpoq.

Naapertuilluarnerunngilaq. Inooqatigiinnermi naligiinngilaq. Aammalu suleqatigiinnermut naapertuutinngilaq.

Naalackersuisut ajornartorsiut aaqqinniarnagu immikkut ilisimasalinnut toqqortarpaat, aammalu sulit kinguartitsillutik.

Kisianni sunniutaasussat nalunngereerpagut. Ajornartorsiut takoreerparput. Nalunngilarput aaqqissuussineq ingerlanerluttoq.



Taamaakkaluartooq iliuuseqartoqanngilaq - kinguartitsineq kisiat.

Naleqqamiit innuttaasut aaqqissuussinermi misileraataasinnaasutut atorneqarnissaat akuerinngilarput. Inuit aningaasaminnik nammineq aqutisinnanerat arsaarneqassasoq akuerinngilarput. Politikkerit qinersisoqannginnerani neriorsuuteqarlutik kingorna allatut iliortarnerat aamma akuerinngilarput.

Taamaattumik Naalakkersuisut siunnersuutaat tamakkiisumik itigartipparput.

Aamma akerlilerlugu taasissaagut.